

UGOVOR
o korištenju prenosne mreže

UGOVORNE STRANE:

1. **Kompanija za prenos električne energije u Bosni i Hercegovina "ELEKTROPRIJENOS-ELEKTROPRENOS BiH" a.d. BANJA LUKA**, ul. Marije Bursać 7a, koju zastupa generalni direktor Mato Žarić, dipl.ing.el., sa jedne strane, (u daljem tekstu ovog Ugovora: Kompanija) PDV br. 402369530009

i

2. **PRVO PLINARSKO DRUŠTVO d.o.o. Sarajevo, Tešanjaska br. 24a**, koje zastupa direktor Ivan Šušnjar i izvršni direktor Ante Knezović, (u daljnjem tekstu: Snabdjevač) PDV br. 202111300000 s druge strane

Kompanija za prenos električne energije u Bosni i Hercegovina "ELEKTROPRIJENOS-ELEKTROPRENOS BiH" a.d. BANJA LUKA, ul. Marije Bursać 7a, koju zastupa Generalni direktor Mato Žarić, dipl.ing.el., sa jedne strane, (u daljem tekstu ovog Ugovora: Kompanija) PDV br. 402369530009

i

PRVO PLINARSKO DRUŠTVO d.o.o. Sarajevo, Tešanjaska br. 24a, koje zastupa direktor Ivan Šušnjar i izvršni direktor Ante Knezović, (u daljnjem tekstu: Snabdjevač) PDV br. 202111300000 s druge strane

zaključuju

UGOVOR O KORIŠTENJU PRENOSNE MREŽE

I UVODNE ODREDBE

Član 1.

- (1) Kompanija je vlasnik prenosne mreže i Odlukom Državne regulatorne komisije za električnu energiju (u daljem tekstu: DERK), izdata joj je licenca za obavljanje djelatnosti prenosa električne energije broj: 05-28-12-341-20/12 od 13.01.2013. godine.
- (2) Snabdjevaču je izdata licenca za obavljanje djelatnosti međunarodne trgovine električnom energijom broj: 05-28-12-125-17/16 od 28.06.2016. godine i licenca za snabdijevanje električnom energijom drugog reda, broj: 06-03-367/12/16 od 15.06.2016. godine.
- (3) Ugovorne strane saglasne su da PRVO PLINARSKO DRUŠTVO d.o.o. Sarajevo, Tešanjaska br. 24a i Aluminij d.d. Mostar (u daljem tekstu: Kupac), imaju zaključen pojedinačni Ugovor o prodaji i kupovini, isporuci i prijemu električne energije, u svojstvu snabdjevača i kupca, koji se primjenjuje počev od 01.07.2017. godine do 31.12.2017. godine.

II PREDMET UGOVORA

Član 2.

- (1) Predmet ovog Ugovora je uređenje međusobnih odnosa ugovornih strana kod korištenja mreže prenosnog sistema (u daljem tekstu: mreža), obračuna i naplate pripadajuće naknade za korištenje mreže, koju Kompanija Snabdjevaču naplaćuje u skladu sa Odlukom DERK-a kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa. Ugovorne strane su se saglasile da se svaka nova Odluka DERK-a po osnovu koje se vrši obračun naknade za korištenje mreže, automatski primjenjuje na ovaj Ugovor od dana njenog stupanja na snagu.
- (2) Kompanija prema uslovima iz ovog Ugovora vrši prenos električne energije putem postojeće izgrađene mreže, koja je u vlasništvu Kompanije za potrebe Snabdjevača i Kupca, bez obzira na porijeklo te energije.

III PODACI O MJESTIMA ISPORUKE ELEKTRIČNE ENERGIJE I VRŠNE SNAGE

Član 3.

- (1) Prema ovom ugovoru Kupac preuzima električnu energiju i koristi snagu iz mreže prenosnog sistema na dva obračunska mjesta, koja se nalaze u TS 400/220/110 kV Mostar 4 (Čule) i RP 220 kV Mostar 3 (Jasenica), odnosno energija se isporučuje u RP 220 kV Aluminij, Bačevići b.b. Mostar.
- (2) Obračunsko mjerno mjesto se nalazi na DV-om 220 kV polju za PR 220 kV Aluminij u TS 400/220/110 kV Mostar 4 i DV 220 kV polju za PR 220 kV Aluminij u RP 220 kV Mostar 3. U redovnom pogonu RP 220 kV Aluminij oba DV-a polja su uključena, a električna energija se preuzima u RP 220 kV Aluminij, Bačevići, Mostar.
- (3) Ugovorne strane sporazumno utvrđuju da mjesto gdje Kupac preuzima električnu energiju nije istovjetno s obračunskim mjernim mjestom, s tim da za potrebe obračunskih mjerenja, pored navedenih obračunskih mjernih mjesta oblikuje i zbirno mjerno mjesto na kojem se podaci sa više obračunskih mjernih mjesta (prema prikazu u prilogima 1 i 2 –TS 440/220/110 kV Mostar 4 i RP 220 kV Mostar 3) obrađuju radi oblikovanja brojčanih vrijednosti za obračun i razmjenu podataka. U prilogima broj 1 i 2 definisana je obračunska formula u kojoj su uzeti u obzir i gubici od obračunskog mjernog mjesta do mjesta preuzimanja električne energije.
- (4) Preuzeta električna energija iz mreže mjeri se na obračunskim mjernim mjestima radi obračuna potrošnje električne energije i vršne snage, a radi obračuna naknade za korištenje mreže, u skladu sa ovim Ugovorom.
- (5) Podaci o mjernoj i komunikacijskoj opremi na svakom obračunskom mjernom mjestu su sastavni dio ovog ugovora (Prilog 1 i 2) nalaze se na svakom obračunskom mjernom mjestu u trenutku zaključivanja ovog ugovora, mogu se izmijeniti manuelnim mjenjanjem opreme koje će obaviti Kompanija i o tome obavijestiti Snabdjevača, Kupca i Nezavisnog operatera sistema u Bosni i Hercegovini (u daljem tekstu: NOS BiH), radi provjere podataka.

IV PREDUSLOVI ZA KORIŠTENJE MREŽE

Član 4.

- (1) Snabdjevač i Kupac će Kompaniji osigurati raspoloživost odgovarajućih podataka o postrojenju Kupca na zahtjev Kompanije.
- (2) Kompanija će osigurati raspoloživost odgovarajućih podataka o obračunskim mjernim mjestima i mjernim podacima koji služe za obračun i plaćanje naknade za korištenje mreže iz ovog Ugovora.
- (3) Kompanija će svojom pripadajućom bazom podataka obuhvatiti podatke Kupca iz stav 2. ovog člana i staviti ih na raspolaganje ostalim učesnicima iz člana 3. stav (5) ovog Ugovora.
- (4) Svi podaci kojima Kompanija raspolaže u skladu sa odredbama ovog Ugovora smatraće se poslovnom tajnom.

V USLOVI ZA KORIŠTENJE MREŽE

Član 5.

Kompanija je dužna s pažnjom dobrog stručnjaka voditi pogon mreže, organizovati održavanje mreže i ostvariti uslugu ponovne uspostave napajanja nakon prekida s ciljem minimiziranja broja prekida i vremena trajanja prekida, osim u slučajevima kada do prekida dođe u slučaju vanrednih okolnosti i više sile.

Član 6.

Prema ovom ugovoru Kupac se smatra krajnjim korisnikom priključka i mreže, te nema pravo omogućiti drugom pravnom ili fizičkom licu priključenje na svoje elektroenergetske objekte i instalacije i korištenje električne energije preko svog obračunskog mjernog mjesta.

VI MJERNE USLUGE

Član 7.

Kompanija pruža standardnu mjernu uslugu za obračunska mjerna mjesta iz ovog Ugovora, koju čine sljedeće usluge:

- održavanje mjerne opreme obračunskog mjernog mjesta,
- ovjeravanje mjerila obračunskog mjernog mjesta,
- prikupljanje mjernih podataka s obračunskih mjernih mjesta,
- provjera i potvrda valjanosti mjernih podataka,
- upravljanje i pohranjivanje mjernih podataka,
- čuvanje dokumentacije obračunskih mjernih mjesta,
- povremena provjera ispravnosti stanja mjerenja na obračunskim mjernim mjestima.

VII NAKNADA ZA KORIŠTENJE MREŽE

Član 8.

(1) Ugovorne strane saglasno utvrđuju da je Snabdjevač Kompaniji dužan plaćati naknadu za korištenje mreže za ugovoreni obračunski period, za kompletno preuzetu električnu energiju i vršnu snagu, u skladu sa Odlukom DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa i uslovima uređenim ovim Ugovorom.

(2) Plaćanja naknade za korištenje mreže u toku primjene ovog Ugovora Snabdjevač i Kompanija ugovaraju kao bitni element Ugovora.

VIII OČITANJE, OBRAČUN I NAPLATA NAKNADE ZA KORIŠTENJE MREŽE

Član 9.

(1) Mjerila koja služe za obračun potrošnje električne energije i vršne snage prema ovom Ugovoru redovno se očitavaju na kraju ugovorenog obračunskog perioda. Ugovoreni obračunski period obuhvata jedan kalendarski mjesec.

(2) Kompanija je dužna u okviru standardne mjerne usluge s obračunskih mjernih mjesta prikupiti, obraditi, provjeriti valjanost, pohraniti, te omogućiti Snabdjevaču preuzimanje mjernih podataka u formi koja je potrebna za obračun prema ovom Ugovoru i izvršiti obračun naknade za korištenje mreže, u skladu sa važećom Odlukom DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa i odredbama ovog Ugovora.

(3) Predstavnici ugovornih strana (Kompanije i Snabdjevača) očitavaju mjerila svakog prvog u mjesecu za prethodni mjesec i podatke o očitavanju unose u zapisnik koji potpisuju. U slučaju da se podaci dobiveni očitavanjem ne slažu, predstavnici ugovornih strana će komisijski utvrditi razliku, te će Kompanija izvršiti korekciju računa izdatog za mjesec u kome je nastala greška shodno utvrđenom, kroz slanje knjižne obavjesti. Ugovorna strana koja utvrdi grešku dužna je odmah a najkasnije u roku od tri (3) dana obavjestiti drugu ugovornu stranu i NOS BiH.

(4) Ugovorne strane će imenovati predstavnike iz prethodnog stava odmah a najkasnije u roku od tri (3) dana od dana kada je utvrđeno neslaganje ili primljeno obavještenje druge ugovorne strane o postojanju greške u obračunu.

Član 10.

(1) Obračun naknade za kompletno preuzetu energiju i vršnu snagu provest će se na kraju svakog ugovorenog obračunskog perioda prema članu 9. stav (1) ovog Ugovora, u skladu sa odredbama Odluke DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa i ovoga Ugovora.

(2) Ako se utvrdi da mjerila određeno vrijeme nisu registrovala energiju i/ili snagu ili je registrovanje bilo nepotpuno ili nepravilno, Kompanija i Snabdjevač će uz znanje NOS BiH provesti postupak procjene vrijednosti obračunskih energetske veličina za period u kome nije vršeno njihovo mjerenje odnosno registrovanje. Ugovorne strane će odmah ili u roku od tri (3) dana imenovati predstavnike koji će provesti postupak procjene vrijednosti obračunskih energetske veličina za period u kome nije vršeno njihovo mjerenje ili je isto bilo nepotpuno ili nepravilno.

(3) Kompanija je obavezna račun sa obračunom naknade za korištenje prenosne mreže dostaviti Snabdjevaču u roku od 5 dana po očitavanju na adresu:

PRVO PLINARSKO DRUŠTVO d.o.o. Sarajevo, Tešanjiska br. 24a, 71 000 Sarajevo.

(4) Na traženje Snabdjevača račun će mu se dostaviti odmah po njegovom izdavanju i to telefaksom ili elektronskom poštom.

(5) Snabdjevač je dužan obavijestiti Kompaniju, ako ne zaprimi račun u ugovorenom roku.

Član 11.

(1) Rok dospijeca računa za obračunski period je trideset (30) dana od dana izdavanja računa.

(2) Snabdjevač je dužan svoju obavezu plaćanja naknade za korištenje mreže izvršiti na žiro račun Kompanije:

- račun broj: 5510010003400849 otvoren kod Unicredit Bank - Banja Luka

(3) Ukoliko Snabdjevač ne plati dospjelu obavezu na način i u roku utvrđenom ovim Ugovorom, dužan je platiti zakonsku zateznu kamatu od dana dospijeca obaveze do dana izmirenja dugovanja.

(4) Kompanija će obračun zateznih kamata izvršiti od dana dospijeca do datuma izmirenja dugovanja, zašto će Snabdjevaču izdati račun na kraju mjeseca, a Snabdjevač je obavezan izdati račun platiti s rokom dospijeca od trideset (30) dana, počev od dana izdavanja računa za obračunatu zakonsku zateznu kamatu.

(5) Ako Snabdjevač nije saglasan s iznosom ispostavljenog računa, dužan je nesporni dio platiti u roku dospjeća, a za sporni dio dostaviti pisani prigovor u roku od osam (8) dana od dana dostavljanja računa.

(6) Kompanija je dužna odgovoriti na prigovor Snabdjevača najkasnije u roku od osam (8) dana, od dana prijema prigovora. U slučaju prihvatanja prigovora Kompanija se obavezuje dostaviti novi račun s datumom dospjeća deset (10) dana od dana izdavanja računa.

(7) U slučaju neprihvatanja prigovora, Kompanija će o istome obavijestiti Snabdjevača koji je dužan platiti prvobitno ispostavljeni račun, uvećan za zakonsku zateznu kamatu.

Član 12.

(1) Za osiguranje urednog izvršenja svih obaveza koje mogu nastati po osnovu ovog Ugovora, Snabdjevač se obavezuje da će Kompaniji dostaviti bankarsku garanciju sa kluzulom "plativa na prvi poziv" sa rokom važenja od 01.07.2017. godine do 10.03.2018. godine, u iznosu od očekivanog jednomjesečnog iznosa plaćanja usluge prenosa električne energije, tj. u iznosu od 829.062,00 KM sa PDV-om.

(2) U slučaju da Snabdjevač ne plati mjesečni račun za korištenje mreže ili račun za kamate u ugovorenom roku, Kompanija zadržava pravo naplate putem instrumenta osiguranja plaćanja iz stava (1) ovog člana, o čemu će prethodno pisanim putem obavijestiti Snabdjevača. Ukoliko Snabdjevač ne plati dva dospjela računa, Kompanija je ovlaštena i bez prethodnog obavještenja naplatu izvršiti putem instrumenta osiguranja iz stava (1) ovog člana.

(3) U slučaju da Kompanija iskoristi bankarsku garanciju iz stava (1) ovoga člana, Snabdjevač je dužan dostaviti Kompaniji na njen prvi poziv istovjetan instrument osiguranja plaćanja.

(4) Ukoliko u periodu trajanja ovoga Ugovora budu zakonskim propisima uvedeni novi instrumenti osiguranja plaćanja ili je prethodni iskorišten, Snabdjevač je na zahtjev Kompanije dužan osigurati i dostaviti odgovarajući broj takvih instrumenata osiguranja plaćanja.

IX MEĐUSOBNA PRAVA I OBAVEZE

Član 13.

Ugovorne strane su saglasne da se Kompanija oslobađa preuzetih obaveza u pogledu kvalitete snabdijevanja električnom energijom za vrijeme trajanja više sile, poremećenog pogona mreže, izvanrednog pogona mreže, neispravnosti i kvarova na uređajima i postrojenjima, planiranih radova te ostalih okolnosti koje nije mogla spriječiti, otkloniti ili izbjeći.

Član 14.

(1) Ugovorne strane se saglasno obavezuju na međusobno obavješćavanje o planiranom i izvanrednom prekidu korištenja mreže odnosno snabdijevanja električnom energijom kao i o događajima u mreži koji su uzrok nemogućnosti korištenja mreže i snabdijevanja, a u skladu sa odredbama Opštih uslova i Mrežnih pravila.

(2) Ugovorne strane su saglasne da će Snabdjevač biti obavješteni o planiranom prekidu isporuke električne energije najkasnije 48 sati prije privremenog prekida i to direktnim načinom komunikacije kao: telefonom, telefaksom ili elektronskom poštom.

Član 15.

Ugovorne strane su saglasne da Kompanija može bez prethodne najave privremeno ograničiti ili prekinuti isporuku električne energije Snabdjevač, ako to zahtijevaju prekidi u mreži prenosnog sistema, kvarovi na transformatorskim, razvodnim i proizvodnim postrojenjima, raspad elektroenergetskog sistema i preopterećenja postrojenja, odnosno pogonski uslovi.

X RASKID UGOVORA

Član 16.

- (1) Ugovorne strane su saglasne da mogu u slučaju neizvršenja ugovornih obaveza podnijeti pisani zahtjev za raskid ugovora, uz otkazni rok od osam (8) dana od dana podnošenja zahtjeva.
- (2) Ugovorna strana koja pokreće postupak raskida obavezuje se prije podnošenja pisanog zahtjeva za raskid ugovora dostaviti pisanu opomenu drugoj ugovornoj strani s dodatnim rokom za ispunjenje obaveze.

XI PRELAZNE I ZAVRŠNE ODREDBE

Član 17.

Ugovorne strane utvrđuju da je zatečeno stanje vlasništva nad mjernom i komunikacionom opremom takvo da je Kompanija vlasnik mjerne i komunikacione opreme na obračunskim mjernim mjestima. U slučaju potrebe Kompanija će izvršiti opremanje obračunskih mjernih mjesta električne energije prema tehničkim zahtjevima iz Mrežnih pravila.

Član 18.

- (1) Ovaj Ugovor se zaključuje na određeno vrijeme od 01.07.2017.- 31.12.2017. godine.
- (2) Ovaj ugovor prestaje važiti u slučaju da jedna od ugovornih strana izgubi licencirani status.
- (3) Izmjene i dopune mogu se vršiti zaključenjem aneksa ovog Ugovora.
- (4) Ovaj Ugovor stupa na pravnu snagu kada ga potpišu obe ugovorne strane.
- (5) Za sve što nije regulisano ovim Ugovorom, primjenjuje se odredbe Zakona o obligacionim odnosima i drugih važećih propisa.

Član 19.

- (1) Ugovorne strane saglasne su da će sve eventualne sporove koji mogu nastati iz ovog Ugovora rješavati sporazumno.
- (2) U slučaju nemogućnosti mirnog rješavanja sporova iz ovoga Ugovora nadležan je Okružni privredni sud u Banjaluci.




Član 20.


Ovaj Ugovor je sastavljen i potpisan u šest istovjetnih primjeraka, od kojih Kompanija zadržava četiri primjerka a Snabdjevač zadržava dva primjerka.

U B. luci, 28.06.2017. godine
Broj: 01-4759/2017

Za Kompaniju:
Generalni direktor


Mato Žarić, dipl.ing.el.

Izvršni direktor za rad
i održavanje sistema


Cvjetko Žepinić, dipl.ing.el.



U SARAJEVO, 19.06.2017 godine
Broj: 18-6/17-303


Za Snabdjevača
Direktor


Ivan Šušnjar

Izvršni direktor


Ante Knezović

PRVO
PLINARSKO
DRUŠTVO
d.o.o.
SARAJEVO




ELEKTROPRIJENOS BIH
ЕЛЕКТРОПРЕНОС БИХ
Direkcija za rad i održavanje sustava
Operativno područje Mostar

REGISTAR MJERENJA

Mrežno čvorište	RP Mostar 3
Korisnik	Aluminij d.d. Mostar

za „Elektroprenos-Elektroprijenos BiH“
a.d. Banja Luka

Muđić



Datum: 10.2/2016
Br. Protokola: 08-814-1/16

za Aluminij d.d. Mostar

Muršević



Datum: 11.02.2016
Br. Protokola: 643/10



ELEKTROPRIJENOS BIH
ЕЛЕКТРОПРЕНОС БИХ

Status dokumenta

Oznaka:	RM-MO-RP-MOSTAR-3
Izdanje:	1.0
Datum:	09.02.2016.
Broj stranica:	4
Elektronski naziv:	\REGISTAR_MJERENJA\OPMO\RP_Mostar_3

Istorija/Povijest dokumenta

Izdanje	Datum	Autor	Opis
1.0	09.02.2016.	Služba za mjerenje	Konačan dokument



Mrežno čvorište RP 220 kV Mostar 3 (Jasenica)

Mjerno mjesto (mjerna tačka)	Napon (kV)	SMT		NMT			Konstanta OMM	Mjerni uređaj - brojilo							Registrator el. energije			EIC kod	Obratunska formula			
		Trenutno spojen		Prezentirani odnos				Vrsta el. energije koju mjeri (A/R)	Smjer energije	Broj tarifa	Prekidač	Tip	Serijski broj	Klasa tačnosti	Godina protzvednje	Godina verifikacije	Proizvođač			Tip	Period registracije	
		primar	sekundar	Klasa tačnosti	primar	sekundar																Klasa tačnosti
DV 220 kV EAL	220	1200	1	0.2	0.1	220	0.2	0.1	0.2	0.1	0.2	18 448 551	0.2S	2003	2012	Iskra	Pereg 3P	15 min	362MG-MOJ-2A--5	1.0.100000*1		


Radni rad	TS	Bez posla
DA		

Komunikacija sa prijateljskim centrom	TS	Bez posla	Vrijeme
DA			DA

Vrsta komunikacije u TS	TS	Bez posla	Ukupno
DA			DA

Handwritten signatures and initials.

RP 220 kV MOSTAR 3 (Jasenica)



Obračunska formula=(1-0,00025)*1



ELEKTROPRIJENOS BiH
ЕЛЕКТРОПРЕНОС БИХ
Direkcija za rad i održavanje sustava
Operativno područje Mostar

REGISTAR MJERENJA

Mrežno čvorište	TS Mostar 4
Korisnik	Aluminij d.d. Mostar

za „Elektroprenos-Elektroprijenos BiH“
a.d. Banja Luka

Datum: 10. 02. 2016
Br. Protokola: 08-814/16



za Aluminij d.d. Mostar

Datum: 11. 02. 2016.
Br. Protokola: 643/10





ELEKTROPRIJENOS BiH
ЕЛЕКТРОПРЕНОС БИХ

Status dokumenta

Oznaka:	RM-MO-TS-MOSTAR-4
Izdanje:	1.0
Datum:	09.02.2016.
Broj stranica:	4
Elektronski naziv:	\REGISTAR_MJERENJA\OPMO\TS_Mostar_4

Istorija/Povijest dokumenta

Izdanje	Datum	Autor	Opis
1.0	09.02.2016.	Služba za mjerenje	Konačan dokument

TS 400/220/110/35/10 kV Mostar 4 (Čule)

Obračunska formula=(1-0,00085)*1

